

Bosna i Hercegovina
Federacija Bosne i Hercegovine
KANTON SARAJEVO
OPĆINA VOGOŠĆA
OPĆINSKI NAČELNIK

Broj: 03-20-286/26
Vogošća, 11.02.2026. godine

OPĆINSKO VIJEĆE
V O G O Š Ć A

PREDLAGAČ: Općinski načelnik

OBRADIVAČ: Služba za privredu, integrisani lokalni razvoj i društvene djelatnosti

PREDMET: Izvještaj o stanju poljoprivrede na području općine Vogošća za 2025. godinu

Dostavljamo Vam Izvještaj o stanju poljoprivrede na području općine Vogošća za 2025. godinu na razmatranje i usvajanje

PREDLAGAČ
OPĆINSKI NAČELNIK

Migdad Hasanović

Federacija Bosne i Hercegovine

Kanton Sarajevo

OPĆINA VOGOŠĆA

OPĆINSKI NAČELNIK

Služba za privredu, integrisani lokalni razvoj

i društvene djelatnosti

Broj: 03-20-286/26

Vogošća, 11.02.2026. godine

I Z V J E Š T A J
O STANJU POLJOPRIVREDE NA PODRUČJU OPĆINE VOGOŠĆA
ZA 2025. GODINU

I - UVOD

Na području Kantona Sarajevo, općina Vogošća ubraja se među općine koje imaju povoljnu i optimalnu strukturu. Prema reljefnim karakteristikama, poljoprivredna zemljišta općine Vogošća se mogu podijeliti na ravničarska, brdska i planinska tla. Iako je veći dio područja naše općine brdsko - planinski, ona ipak raspolaže sa znatnim poljoprivrednim resursima. Brdska područja naselja Tihovići, Hotonj, Ugorsko, Semizovac i Gora, pogodni su za organiziranje stočarske i dijela ratarske proizvodnje. Tu uglavnom dominiraju prirodne livade i pašnjaci sa manjim oranicama na kojima se najčešće uzgajaju žitarice i ratarske kulture.

S druge strane, predjeli uz rijeku Bosnu i druge vodotoke imaju najpogodnija tla za organiziranje intenzivne poljoprivredne proizvodnje.

Tabelarni prikaz poljoprivrednih resursa po kulturama zemljišta izraženih u m²

Ktasta. Općina	Njive	Voćnj aci	Livade	Pašnj aci	Šume	Neplod no tlo	Ukupno	Privat no	Držav no
Gora	1440537	554672	2050010	346786	8598423	537852	13528280	6969967	655831
Hotonj	517050	610105	717047	50810	556574	571753	3023339	2474968	54837
Kobilja Glava	625122	651457	590083	124633	798466	484746	3274507	2740577	53393
Kremeš	357680	291389	1365824	254947	10076410	128880	12475130	2826539	964859
Semizovac	983165	934974	713317	213735	3057286	1120857	7023334	4538698	248463
Svrake	1041698	558580	881873	301707	2881048	832901	6497807	4322937	217487
Tihovići	878781	768208	1071700	484947	7127944	283443	10615023	3909375	670564
Uglješići	491944	677253	879157	44193	1234358	256366	3583271	3236793	34647
Vogošća	1288443	774363	1147737	316241	4703766	3445707	11676257	4569460	710679
Ukupno	7624420	5821001	9416748	2137999	39034275	7662505	71696948	3558931 4	3610763

Podaci uzeti iz Katastra nekretnina Općine Vogošća

Ukupne zemljišne površine općine Vogošća iznose 7.167 ha, od čega poljoprivredno zemljište zauzima 2.498 ha, a od ovih površina na pojedine kulture otpada: na oranice 762 ha, na voćnjake 582 ha, na livade 941 ha i na pašnjake 213 ha. Ostatak čini neplodno tlo, šikara i kamenito područje.

II - PODUZETE I REALIZOVANE AKTIVNOSTI U OBLASTI POLJOPRIVREDE ZA PERIOD 01.01.- 31.12.2025. GODINE

U periodu **01.01–31.12.2025.** godine veliki broj aktivnosti iz oblasti poljoprivrede se odnosio na rješavanje po zahtjevima građana. Primljeno je i urađeno **740** predmeta iz svih oblasti poljoprivrede. Od toga, u navedenom periodu izdato je **310** potvrda na zahtjev poljoprivrednih proizvođača, a koja su se odnosila na upis u Registar poljoprivrednih gazdinstava i Registar clijenata u cilju ostvarivanja prava na novčani podsticaj kod viših nivoa vlasti (Federalni i Kantonalni podsticaj), kao i **94** potvrda za objekte koji se nalaze na području općine Vogošća, gdje je dozvoljeno držanje stoke.

U navedenom periodu upis u Registar poljoprivrednog gazdinstva i Registar clijenata izvršila su **24** nova poljoprivredna proizvođača sa područja općine Vogošća.

Po pitanju registrovanja poljoprivredne djelatnosti izdato je **1** uvjerenja, kao i jedna **(1)** saglasnosti o stajskom držanju koza na području općine Vogošća.

Po zahtjevima kada su u pitanju Javni pozivi i druge aktivnosti riješeno je **287** predmeta.

Kada su u pitanju viši nivoi vlasti (Federalni zavod za statistiku, Kantonalno Ministarstvo privrede, Federalni zavod za poljoprivredu Sarajevo – Centralna IPS FBiH Sarajevo) urađeno je **šest (6)** izvještaja, i to:

- 1- Izvještaj o površinama i zasadima na kraju proljetne sjetve u 2025. godini;
- 2- Izvještaj o ostvarenoj animalnoj proizvodnji za 2024. godinu;
- 3- Izvještaj o procjeni stanja stoke i stočnih proizvoda za 2025. godinu;
- 4- Izvještaj o zasijanim površinama u jesenjoj sjetvi za 2025. godinu;
- 5- Izvještaj o ostvarenim prinosima/prirodima kasnih usjeva voća i grožđa u 2025. godini;
- 6- Izvještaj o realizaciji praćenja štetočina na području općine Vogošća za 2025. godinu kao i Program praćenja štetočina na području općine Vogošća za 2026. godinu.

Kao i svake godine, u izvještajnom periodu poljoprivredni proizvođači su upoznati sa mogućnostima korištenja podsticaja koje mogu ostvariti putem Kantonalne stručne službe.

U ovom izvještajnom periodu nastavljene su aktivnosti oko prikupljanja podataka za upis u Registar poljoprivrednih gazdinstava i Registar clijenata koji se radi u saradnji sa Federalnim ministarstvom za poljoprivredu, vodoprivredu i šumarstvo, a upis se vrši na teritoriji cijele Federacije BiH u svim općinama.

Pored Registra poljoprivrednog gazdinstva i Registra clijenata poljoprivredni proizvođači sa područja općine Vogošća upoznati su sa informacijama o upisu u Registar pčelara i pčelinjaka, koji se radi u saradnji sa Federalnim ministarstvom za poljoprivredu, vodoprivredu i šumarstvo.

Upis u registar pčela/reevidenciju u izvještajnom periodu izvršilo je **23** pčelara sa područja općine Vogošća.

U izvještajnom periodu urađen je Izvještaj o stanju poljoprivrede na području općine Vogošća za 2024. godinu. Također je u izvještajnom periodu redovno obavljan uviđaj na terenu za poljoprivredne proizvođače sa područja općine koji se bave uzgojem i proizvodnjom poljoprivrednih kultura, te uzgojem krupne i sitne stoke, a u svrhu izdavanja uvjerenja o bavljenju poljoprivrednom proizvodnjom u cilju registracije poljoprivredne djelatnosti, kao i kad je u pitanju ostvarivanje prava po projektima koje realizuje Služba.

Služba za privredu integrisani lokalni razvoj i društvene djelatnosti nastavila je provoditi aktivnosti vezane za razvoja poljoprivrede na području općine Vogošća što potvrđuju realizovani projekti u izvještajnom periodu.

U cilju promoviranja poljoprivredne proizvodnje na području općine Vogošća finansijski je podržan projekat RTV Vogošća, tačnije, emitovanje emisije „Plodovi prirode“.

Obzirom na veliku zainteresovanost poljoprivrednih proizvođača na području općine Vogošća realizovan je projekat „Sufinansiranje troškova kupovine repromaterijala za proljetnu sjetvu“.

U izvještajnom periodu realizovani su projekti i to:

- Sufinansiranje troškova kupovine stočne hrane u cilju podrške stočarskoj proizvodnji.
- U okviru projekta „ProBio BiH – Promovisanje lokalne bioraznolikosti kroz inovativne akcije na prirodnoj osnovi u poljoprivredno-prehrambenom sektoru BiH“, koji finansira Italijanska agencija za razvojnu saradnju (AICS), a provodi CIHEAM Bari u saradnji sa domaćim institucijama, dodjeljene su LR košnice sa visokokvalitetnim rojevima za 17. pčelara.
- Sufinansiranje troškova nabavke nove poljoprivredne mehanizacije za 2025. godinu.

Iz Budžeta Općine Vogošća za realizovane projekte iz oblasti poljoprivrede u 2025. godini izdvojeno je ukupno **133.521,10 KM**.

III - UTROŠAK FINANSIJSKIH SREDSTAVA U IZNOSU OD 133.521,10 KM U 2025. GODINI PO OBLASTIMA POLJOPRIVREDNE PROIZVODNJE

Rb.	Poljoprivredna proizvodnja	Realizovani projekat	Ukupan iznos utrošenih finansijskih sredstava u KM
1.	Povrtlarska proizvodnja	„Sufinansiranje troškova nabavke repromaterijala u okviru proljetne sjetve“. Pravo je ostvarilo 206 korisnika.	78.592,40
2.	Poljoprivredna mehanizacija	„Sufinansiranje troškova nabavke nove poljoprivredne mehanizacije za 2025. godinu“. Pravo je ostvarilo 3 korisnika.	3.746,40
3.	Stočarska proizvodnja	„Sufinansiranje troškova kupovine stočne hrane za 2025. godinu“. Pravo je ostvarilo 58 korisnika.	46.182,30
4.	Ostalo	„Realizacija serijala emisija „Plodovi prirode“ za 2025. godinu.	5.000,00
UKUPNO UTROŠENO FINANSIJSKIH SREDSTAVA U 2025. GODINI			133.521,10

V - STANJE U OBLASTI POLJOPRIVREDE SA POKAZATELJIMA

U skladu sa Zakonom o poljoprivredi od 2009. godini na području Federacije BiH pokrenut je postupak registracije poljoprivrednih gazdinstava. Ciljevi upisa su da se racionalnije i kvalitetnije planiraju mjere nadležnih organa za pružanje podrške razvoju poljoprivrede i ruralnog razvoja i postepeno usklađivanje sa procedurama EU.

Registrom poljoprivrednih gazdinstava uvodi se sistem kontrole, praćenja i usklađenosti sistema plaćanja, čime se razvija pravni okvir za uspostavu jedinstvenog sistema na nivou države Bosne i Hercegovine u svrhu podrške mjerama politike u sektoru poljoprivrede i privlačenja sredstava EU, te sredstava iz drugih međunarodnih fondova.

Upis u registre je obavezan za sva pravna i fizička lica koja podnose zahtjeve za novčane i druge oblike podrške u poljoprivredi ili prodaju vlastite proizvode na tržištu.

Na području općine Vogošća shodno evidenciji kojom raspolaže Služba za privredu, integrisani lokalni razvoj i društvene djelatnosti egzistira kada je u pitanju poljoprivredna:

1. O.P.Z. „Vogomilk“, PM „Milk“,
2. O.P.Z. „Eko san“, i
3. Udruženje pčelara „Košnica“

Do sada je nadležna općinska Služba zaprimila i obradila **786** zahtjeva za upis u Registar poljoprivrednih proizvođača/klijenta.

U posmatranom periodu novi upis izvršilo je **24** poljoprivredna proizvođača.

Tabela 1.1. Broj gazdinstava po naseljima

Redni broj	Regija	Općina	Naselje	Ukupan broj gazdinstava
1.	Kanton Sarajevo	Vogošća	Blagovac	40
2.	Kanton Sarajevo	Vogošća	Donja Vogošća	6
3.	Kanton Sarajevo	Vogošća	Gora	42
4.	Kanton Sarajevo	Vogošća	Hotonj	88
5.	Kanton Sarajevo	Vogošća	Kamenica	8
6.	Kanton Sarajevo	Vogošća	Kobilja Glava	92
7.	Kanton Sarajevo	Vogošća	Kremeš	17
8.	Kanton Sarajevo	Vogošća	Krivoglavci	26
9.	Kanton Sarajevo	Vogošća	Krivoglavci	3
10.	Kanton Sarajevo	Vogošća	Krivoglavci	97
11.	Kanton Sarajevo	Vogošća	Krivoglavci	55
12.	Kanton Sarajevo	Vogošća	Tihovići	59
13.	Kanton Sarajevo	Vogošća	Uglješići	28
14.	Kanton Sarajevo	Vogošća	Ugorsko	31
15.	Kanton Sarajevo	Vogošća	Vogošća	191
16.	Kanton Sarajevo	Vogošća	Vrapče	2
	UKUPNO			785

Podaci preuzeti iz Registra poljoprivrednog gazdinstva

Stočarska proizvodnja

Na osnovu evidencije kojom Služba za privreda integrisani lokalni razvoj i društvene djelatnosti raspolaže brojno stanje stočnog fonda na području općine Vogošća :

- Broj grla krupne stoke - 910
- Broj grla sitne stoke (ovce i koze) - 3.850
- Broj grla peradi – 12.000

Stanovništvo u perifernim djelovima općine Vogošća se tradicionalno bavi stočarskom proizvodnjom, a radi se o gazdinstvima koja drže 1 - 3 krave i prihod ostvaruju prodajom mlijeka direktnom krajnjem potrošaču. Najčešće se radi o mješovitim gazdinstvima koja pored uzgoja stoke, prihode ostvaruju i prodajom vlastitih povrtlarskih kultura ili voća.

Evidentno je da se sve više poljoprivrednih proizvođača okreće stočarskoj proizvodnji što potvrđuje povećan broj grla stoke u odnosu na predhodnu godinu.

Služba za privredu, integrisani lokalni razvoj i društvene djelatnosti u cilju unapređenja stočarske proizvodnje na području općine Vogošća, a prateći stanje na terenu, kao i potrebe poljoprivrednih proizvođača koji se bave ovim vidom proizvodnje pruža veliku podršku kroz projekte koje relizuje.

U posmatranom periodu realizovan je projekat:

- **„Sufinansiranje troškova kupovine stočne hrane za 2025. godinu“.**

Pravo po navedenom projektu ostvarilo je 58 korisnika i projekt je uspješno realizovan.

Proizvodnja povrća

Povrtlarstvo daje mogućnost intenzivnog korištenja zemljišta.

Osnovne karakteristike ratarske proizvodnje su ekstenzivan način proizvodnje i osrednji prinos po jedinici površine.

Do sada su povrtlarske kulture sijane na malim površinama, ali sa tendencijom povećavanja površina.

Na području naše općine proizvodnja je usmjerena na povrće, prvenstveno:

1. krompir,
2. sve povrtlarske kulture,
3. žitarice.

Veliki broj zasijanih površina nisu evidentirane u bazu podataka - Registar poljoprivrednog gazdinstva jer poljoprivredni proizvođači nisu izvršili prijavu poljoprivredne proizvodnje u Registar, što ujedno potvrđuje da nismo u mogućnosti dati podatak o zasijanim površinama na području općine Vogošća.

Ono što je evidentno kako predhodnih godina, tako i u 2025-oj godini jeste velika zainteresovanost poljoprivrednih proizvođača kada je u pitanju sadnja povrtlarskih kultura na otvorenom.

U okviru navedene proizvodnje u posmatranom periodu Služba za privredu, integrisani lokalni razvoj i društvene djelatnosti realizovala je projekat:

- **„Sufinansiranje troškova nabavke repromaterijala u okviru proljetne sjetve“**

Pravo na sufinansiranje nabavke repromaterijala je ostvarilo 206 korisnika.

Plastenička proizvodnja

Ovo je najintenzivniji oblik proizvodnje povrća. Uzgoj u kontrolisanim uslovima odvija se u vrijeme kada klima ne omogućuje uzgoj povrća na otvorenom polju. Kod nas je to proizvodnja u toku ranog proljeća, u toku jeseni i zime.

Shodno tome veliki broj poljoprivrednih proizvođača iskazao je zainteresovanost kada je u pitanju ovaj vid proizvodnje povrtlarskih kultura.

U općini Vogošća podignut je veliki broj plastenika površine od 100 m², nekoliko plastenika površine od 300 m² i manji broj plastenika koji su površinom manji od 50 m², odnosno radi se o plastenicima koji su proizvođači sami inprovizovali. Vlasnici plastenika su se specijalizirali za pojedine proizvodnje u istim (paradajz, paprika, špinat, salata, luk i dr.).

Obzirom na veliku zainteresovanost poljoprivrednih proizvođača za ovaj vid proizvodnje u proteklih nekoliko godina Služba za privredu integrisani lokalni razvoj i društvene djelatnosti iz budžeta općine Vogošća je izdvojila znatna finansijska sredstva za razvoj proizvodnje povrtlarskih kultura u zatvorenom prostoru.

U periodu 2015-2026. godine poljoprivrednim proizvođačima je podjeljeno **143** plastenika sa dodatnom opremom i to :

- 122 plastenika površine 100 m² i 21 plastenika površine 50 m².

Voćarska proizvodnja

Voćarska proizvodnja na području općine Vogošća u posljednjih nekoliko godina nije u ekspanziji. Uslovi za voćarsku proizvodnju, uz mogućnost primjene mehanizacije, u cilju sprovođenja savremene agrotehnike i zaštite zasada na navedenim prostorima su zadovoljavajući. Vršiti se održavanje i zaštita starih voćnjaka koji su intenzivnog i poluintenzivnog uzgoja.

Postojanje prirodnih resursa i dostupnost vode ispod površine zemljišta, daju mogućnost primjene savremenih sistema za navodnjavanje, što je uslov za postizanje visokih prinosa i dobrog kvaliteta plodova.

Znatan dio proizvodnje uglavnom se koristi za potrebe domaćinstva, dok se dio ostvarenih viškova u svježem ili prerađenom stanju realizuje na tržištu Sarajeva, Vogošće i šire. Veći i organizovaniji otkup proizvoda na području naše općine još uvijek ne postoji.

Služba za privredu, integrisani lokalni razvoj i društvene djelatnosti će u narednom periodu izdvojiti određena budžetska sredstva za ovu granu poljoprivrede.

Pčelarstvo

Općina Vogošća sa dobrim prirodnim uslovima, povoljnom klimom, bogatstvom medonosnog potencijala pruža odlične uslove da se organizira profitabilna proizvodnja meda i ostalih pčelinjih proizvoda, te uključi veći broj nezaposlenih u ovu proizvodnju.

Na području naše općine egzistira Udruženje pčelara „Košnica„. Sve veći broj mladih ljudi je zainteresovan za ovu granu poljoprivrede, pa uz prirodne uslove za razvoj pčelarstva, stručno znanje i iskustva, ova grana poljoprivrede će se u narednom periodu mnogo više razvijati.

Na osnovu evidencije kojom raspolaže nadležna općinska Služba (Registar pčelara) i evidencije kojom raspolaže Udruženje pčelara „Košnica“, na području općine Vogošća registrovano je 53 pčelara, i 1.200/1.300 košnica pčela.

U okviru projekta „ProBio BiH – Promovisanje lokalne bioraznolikosti kroz inovativne akcije na prirodnoj osnovi u poljoprivredno-prehrambenom sektoru BiH“, koji finansira Italijanska agencija za razvojnu saradnju (AICS), a provodi CIHEAM Bari u saradnji sa domaćim institucijama, dodjeljene su LR košnice sa visokokvalitetnim rojevima za 17. pčelara.

VII - PLANIRANE AKTIVNOSTI U 2026 GODINI

Na osnovu uvida u stvarno stanje na terenu, kao i neposrednog kontakta sa poljoprivrednim proizvođačima i Služba za privredu, integrisani lokalni razvoj i društvene djelatnosti u 2026. godini planira realizovati slijedeće projekte:

- ✓ Projekat podrške povrtlarskoj proizvodnji,
- ✓ Podrška pčelarskoj proizvodnji,
- ✓ Podrška stočarskoj proizvodnji,
- ✓ Podrška plasteničkoj proizvodnji,
- ✓ Podrška poljoprivrednim proizvođačima u nabavci nove poljoprivredne mehanizacije i dr.

Ukoliko se ukaže potreba za ulaganjima u proizvodnju koja nije podržana navedenim projektima, a bude opravdana i neophodna, svakako će doći do izmjene gore navedenog Plana.

POMOĆNIK NAČELNIKA

Jasmina Fazlić